

güldich Hoffend 2006

1004. Veröffentlichung

Nr. 162 – Samstag, 15. 7. 2006

Su schwätze mir

Ebbes vom „Stattstrand“



■ Von Katharina Schaaf

En junge Mann met vill Idee'e
dä „Eule-Schängel“ namens „Ralf“
brengt Korzwäil en ons Stadtgeschehe
on wat dä nicht, nicht ä net half.

Wat sich dä Jung hat vurnomme
zeecht ä och dorch met Kopp on Hand,
leeß met Genehmigung letzt komme –
800 Tonne fäine Sand.

Su es dä „Stattstrand“ häi entstanne
em Eulevurort – Metternich.
Schnell läift ons die Zäit vondanne.
En ahle „Eul“ erennert sich:

Wo mir einst en de Musselflute
em Onnerböxje han gebad',
stieht häit e' Strandkaffi on Bude
met scheene Sache, aller Art.

Wo mir am „Noßbaam-Badeplätzje“
geklaute Kiersche han verbotzt,
zillt mer jetzt Volleybäll owwert Netzje.
Dat „Strand-Flair“ wierd do fruh genotzt.

Su kann mer Kowelenz beleewe!
Dozo kohm mir noch en Idee –
däm „Kend“ en Bäiname zo geewe.
Wie wär't met „Stattstrand-Eulensee“?

Katharina Schaaf, 15. 7. 2016